

晚晴移詩匯

晚晴移詩匯卷三十四目錄

王沂 四首

韓昌 五首

傅維樞 三首

傅燮維 一首

馬鴻勳 二首

胡孟向 二首

周鑄 二首

楊通俶 一首

李含章 二首

邱志廣 三首

王乘錄 四首

王尊美 三首

劉宗洙 一首

劉榛 六首

賈開宗 一首

侯體蒙 一首

胡庭 三首

張文炳 一首

徐化溥 二首

雷士俊 二首

王宏度 一首

曹光昇 二首

曹炯二首

曹燕二首

邵潛三首

劉以化一首

單家猷一首

吳孟堅五首

馬日思三首

孫中鳳二首

姚文勳二首

姚文食一首

姚文鰲一首

李愴二首

趙崇禮一首

張客卿二首

吳鏐一首

戴研一首

張雲鶚二首

涂斯皇二首

丁裔沆二首

曹偉謨四首

曹鑑徵一首

毛正學二首

懷應聘一首

錢煥二首

濮淙 一首

翁白 二首

陳騷 三首

趙與楨 一首

蔣大年 一首

蕭廣昭 一首

潘國祚 一首

潘永祚 一首

劉醇驥 二首

程封 二首

羅宏備 一首

杜紹凱 二首

彭旋齡 一首

舒峻極 二首

陳士規 一首

黃進陞 一首

廖燕 二首

高儼 二首

羅甯默 三首

朱昂 三首

塗大輅 二首

晚晴移詩匯卷三十四

徐世昌

王炘字濟似號曉巖雄縣人有茨庵集

詩話茨庵少聰穎高陽孫文正器之以女孫妻焉尋遭家國之難徙居六合課子女爲詩子企靖成進士康熙中爲湖北巡撫著聲績序父集稱先中丞令甲贈以子官也

和丁大聲登皆山樓之作依韻

山色侵樓重竹陰傍澗清綠峯羣寂寂黃鳥獨聲聲霧聚松枝合樵稀石面生雲收餘峭壁日影北林更

七月十二日入山收稻有懷紀仲霽

兩寺鐘聲咽山橋夕路幽未幾新落葉已滿舊溪頭西去時將晚東游事亦休秋苔新月上雜沓使人愁

阻雨宿方九別業

纔酌東堂下雲生江外峯  
咽蟬催暮柳殘雨引疏鐘  
夜色餘歸意苔痕著客踪  
酒懷那可恃遮莫此愁濃

秋日同諸友登山

弗弗西風秋欲深亂離此日共浮沉  
孤城遠望雲棲樹野浦斜看鳥入林  
烽火煙迷山律律江流聲合馬駸駸  
新亭孤酌堪流涕暮雨無端送笛音

韓留字經正號石耕大興人有天樵子集

詩話石耕好學能詩尤善琴然不輕爲人鼓請者必肅衣冠卑顏色伺至夜分或問一奏有左右顧及笑語者卽拂衣囊琴去游江南徧厯台宕諸勝所攜惟一琴並負二筐貯其平生所爲詩文如性命頃刻不以離也嘗自敘生平始末爲一詩長數萬言又做自香山醉吟先生傳作睡琴先生傳

雨中送春

綠草疏籬映水濱清溪寂寂四無鄰  
一簾細雨仍飛燕幾

日殘花又送春多病翻愁今夜酒傷心如別故鄉人明年  
客蹟知何在早向天涯慰苦辛

九日登鷄鳴山

聞道東籬菊已黃無因移向酒樽旁西風忽起野煙暮落  
葉亂飛山樹蒼雁帶寒聲歸渚急江涵秋水與天長浮雲  
遮盡登高眼不許愁人望故鄉

山家卽事

山家就宿看山月松際清光半未升涼色漸生花徑露微  
風欲滅草堂燈壁鄰荒寺疏鐘斷簷壓春星夜氣澄亦願  
幽棲來此地柴門相望幾時能

夏日登鰲柱山望海

鰲柱峻嶒鎮越州孤城千仞俯危樓忽驚溟渤天垂盡始

信東南地半浮島嶼遙連雲日險波濤不盡古今愁一竿  
且罷任公釣更擬乘槎萬里遊

經古寺

石梯經雨徧苔痕赭壁年深色尙存欲向迴廊尋舊跡藤  
蘿無數鎖山門

傅維樞字培公號霄影靈壽人諸生有燕川漁唱

銅雀臺

阿瞞才力雄如虎到頭卻作癡兒語賣履分香空爾爲西  
陵豈復知歌舞漳南尋問銅雀臺舟人北指沙成堆飛橋  
連棟今何在拍岸寒潮朝暮來

夢有持畫卷者屬余題詩醒忘其一二語因補成之  
青霞片片護巖扉中有飛泉落翠微幾折板橋深柳下樵



兒浣女一行歸

漁翁應解愛煙霞  
截竹編茅野作家  
雨後南溪春水漲  
青帆一片出桃花

傅燮離字鷺來號笠亭靈壽人諸生有笠亭詩集

春日感懷

日坐桃源列畫圖  
酒酣耳熱唱嗚嗚  
名山書有三千卷  
別業桑無八百株  
說劍鄉人多指點  
談詩夜鬼任胡盧  
窮愁不著潛夫論  
慚愧徒生七尺軀

馬鴻勳字雁楚號醉庵靈壽人諸生有醉庵草

早發甯陵縣

長途勞客夢旅館  
候鳴雞鼓角臨關壯  
星河傍曙低漁鏡  
依水見隄柳入煙迷  
不計程多少惟聞倦馬嘶

清明

依依楊柳近清明  
禁火初煙雨乍晴  
芳草侵隄時過馬  
梨花滿樹不聞鶯  
雲封翠壁平分岫  
烏帶斜陽半入城  
把酒莫辜風日好  
遠林愁聽杜鵑聲

胡孟向原名孟男更名長以字行威縣人諸生有遜谷詩

除夕同申鳧盟集路吾徵郡宅

此生徒浪擲對酒莫恩恩  
誰識憂歡別惟憐道誼同  
君情真好客吾黨各成翁  
綵筆今才盡題詩惜未工

寄孫鍾元徵君

危行今時見古人  
每詢杖履憶相親  
山中耕鑿還三代  
劫後年華過九旬  
嗜學深心真忘老  
迎人善氣自如春  
嘯臺

舊跡孫宗事朱許先生附隱淪

周鑄字茗柯南和人諸生有葭里集

題清泉寺

踏破蒼苔去斜陽野寺中臺高留晚日樹遠起秋風設想  
身何處探幽意不窮寒昏木葉下天際有歸鴻

過申鳧盟箕亭

一路皆煙水眞成靜者廬家貧心自遠身老世能疏名籍  
逸民傳功留種樹書燒鐙酌午夜明月近庭除

楊通俶字聖美濟甯人諸生

詩話濟甯楊鳧岫諭德甲申後隱居不出撰甲申核  
眞略記鼎革時事子五長通睿聖諭次通俊聖企次  
通久聖宜次聖美次通佺聖朝皆有文采聖宜成進  
士宰獻縣漁洋集中有大明湖送聖企聖美還濟甯  
兼寄聖宜詩又錄  
五揚詩入感舊集

憶白門

楓相江南各著霜依然秋色亂斜陽白門柳落餘殘壘朱  
雀潮生失舊航牛女星遙兼楚越川原勢盡感陳梁板橋  
路接新林浦只有澄江繞建康

李含章字繪先號浮玉樂安人副貢有盧龍雜詠廛山  
堂遺詩

詩話浮玉與弟織齋煥章簡菴斐章皆工吟詠號樂  
安三李織齋卽以號名其集簡菴有春暉堂遺詩

郊居雜興

野徑苔侵戶閒階月到廊欣逢禾黍日爲製薜蘿裳雨霽  
千林碧霜清一葉黃興來吟抱膝未肯讓羲皇

郊行

散步平郊草履輕遠心閒逐野雲生香飄小徑花初落水

漲前溪雨乍晴僻地不須延客賞病軀還復杖藜行臨風  
最愛黃鸝語宛宛枝頭四五聲

邱志廣字粟海號洪區又號蝶庵諸城人貢生官長清  
訓導有柴村詩草

行野

率爾攜筇去無端徧野行晚蟲喧葉急遠樹入雲輕日與  
寒花淡風從衰草生年年容色改延眺暮秋晴

少年遊

輕風薰細草寒夜暮春時玉勒紫駟馬羅衣白面兒驕行  
楊柳陌喜折杏花枝歸向青樓飲闌珊斗柄移

次單拙庵司成歸山

夢醒今朝悟昨非回頭往事與心違雲間謁帝星初曙花

底朝天露未晞不爲從王憂寤寐敢將報母換輕肥君恩  
已許煙霞嬾好把魚竿問釣磯

王乘錄號鍾仙諸城人有鍾仙遺橐

早春游五蓮寄丁野鶴

雪盡石花合冰消水道分山光晴帶雨海氣晚蒸雲獨坐  
捫松樹閒行見鹿羣地偏心與遠此際惜無君

送人從軍

繫馬官道旁沽酒石橋北不敢再淹留爲君壯行色

秋閨怨

漢家新戰勝有信說平安含淚親刀尺關山月正寒

飲江上樓

畫樓高起綠楊邊美酒樓中斗十千醉倚江雲看江水晚

風時過打魚船

王尊美字從斯益都人有鵲巖齋詩

秋夜不寐偶憶故山風物率爾成篇

簇簇茅茨負夕陽  
疏疏楊柳帶方塘  
煙浮鄰舍炊菰米  
霜近山園坼栗房  
雞柵牛欄新位置  
村醪野蔌小排當  
田家事業知何有  
盡在幽風七月章

小圃疏籬整復斜  
一筇隨處是生涯  
游絲無賴時縈客  
秋草多情尚著花  
日暝僧房問偈月  
明林屋自煎茶  
猶嫌姓字多叨竊  
號作青山處士家

書盧溝店壁

蟲聲切切報新秋  
月落鐙昏四壁愁  
殘夢未成催上馬  
一天涼雨過盧溝

劉宗洙字長源襄城人貢生有天備館詩集

詩話長源篤於孝友慷慨尚風義二曲之父明季戰死襄城順治間招魂而葬長源爲度地起冢樹碑一時名流多有題詠亭林詩所謂終天不返收峭骨異代仍招復楚魂卽指此也

送顧文海司馬

小試山城拂袖歸甘棠一樹帶朝暉風流刺史留清澤俊逸參軍換野衣五柳陰濃憑寄傲七絃韻好可忘機江干正繫蒼生望肯把勳猷老釣磯

劉榛字山蔚商邱人諸生有虛直堂詩

三傲歐陽體次蘇子瞻韻

天女翦花不翦葉散作人間一夜雪無枝無蒂故斜橫欲前欲卻嗟清絕老屋疏牖偏覓尋迴峯斷嶺隨曲折獅子座成兒手皴鷓鴣斑到客裘滅怒發土囊掃不開濃垂天



幕誰忽掣三戰買勇奮赤拳十觴薄醉暈紅纈令甲縱不  
自昔懸妝綴原非士所屑世上營營同此看才有旋無只  
一瞥深積妙化別堪思拘方泥象又何說一卷相映不畏  
寒我胸長有涼如鐵

僧舍對雨柬牧仲

何物增愁緒孤城受雨痕草分千嶂溼嵐鎖一江昏乞米  
勞僧飯賒魚佐客尊應知乘輿權已到戴逵門

餞春

年年餞春歸試問春歸處東皇笑不言潛逐飛花去  
春歸春便歸莫更留春住回首五十年頗惱春相誤  
春歸春徑歸歸亦有餘情還從情夢底喚我樹頭鶯  
有愁不帶去無愁何送來倚欄癡兒女落月尙徘徊

賈開宗字靜子商邱人諸生有遯園集

詩話靜子從侯朝宗游上下其議論  
星象占緯兵食圖籍皆有所考究

三陵臺

三陵孤峙舊城隈古木蒙茸一徑開  
亂窟深迴藏虎豹懸崖陡峭長莓苔  
宋襄戰後猶遺塚梁孝朝還有廢臺  
每伴田夫尋勝事披蓑戴笠雨中來

侯體蒙字昆服杞縣人有悔庵詩藁

元旦次徐木公韻

無端寒疾起遲遲那更桃符初換時  
簫鼓一城春晝永雲山百里夢魂移  
難禁兒女嗟多累暫假壺觴慰所期  
五十三年今近矣蕭蕭旅館但題詩

胡庭字季子汾陽人有疇人集

古詩

霜氣流前除照我羅衣裳耿耿夜不寐躡履起徬徨草蟲亦何悲鳴聲悽以愴四郊一孤影落葉飄迴廊南樓誰家子絃歌宴華堂

朔風吹玉樹葉葉起秋聲上有白鶴樓下有蟋蟀鳴高天鴻雁來河漢有餘清念我故人子結髮事榮名離筵分手千載爲傷情

擁衾起長歎讀我案頭書書中何所有乃見太古初巢許在箕穎洗耳避唐虞揖讓不屑睹況忍諫征誅採薇雖西山道隆情已汗

張文炳字子潛陽城人有麋田小草喜見吟

王屋仙燈

王屋山中有我家也曾辟穀卧煙霞仙燈夜半朝眞宰枯木寒巖盡放花

徐化溥字雲門陽高人歲貢生有雲門集

河梁曲

蘇武與李陵結髮侍漢廷何以風雨夕把手話飄零青海一雁足河梁兩黃鵠冰雪孤臣心血淚他鄉哭他鄉血淚可若何秋風萬里渺關河可憐別後魂相逐生死天涯入夢多

明妃曲

煙鎖宮花鳥聲寂欄干秋月夢中泣漢家長門老阿嬌老死深宮無人識明妃一日別故宮露桃入殿動春風天子低徊生光彩絕勝黃金買畫工鴻雁傳聲聲嘹唳況是蛾

眉重遠國至今高塚拂雲寒塞草芊芊青山色

雷士俊字伯顓涇陽人諸生有艾陵集

登城晚望

薄暮城頭望千檣水際停微波風自起落日草愈青木盛  
誰持斧泉寒莫有餅空弦驚痛鳥說亂卽傾聽

從弟元長自金陵至樊汝留宿不得一見而去懷不  
能已作詩以寄

感汝思余意孤舟故遠尋滄江秋浪闊丹嶂曉楓深圃韭  
猶堪翦村醪且共斟歸帆留不得竟夕獨哀吟

王宏度字文含咸甯人諸生有南塘遺藁

游百塔寺

谷口逶迤百塔深望中煙樹費招尋荒岡骨閉千年跡斷

碣文留一代心僧老那知思往事客來猶自續高吟憑欄  
舒嘯情何極滴水蒼茫隔暮陰

曹光昇字明甫一字賓曙號玉陽金山人

鄧孝威曰賓曙素負奇氣遭際不偶抑鬱以終其  
詩激昂淒楚如聽雍門之琴漸離之筑令人潛然  
己未除夕與彭古晉先生及許元方金雲六守歲燕

邸分賦

昂藏留七尺甯不是餘生薄命悲長缺羈心戀短衾朋來  
遷道故賦就孰成名明日看華髮蕭蕭又幾莖

酬郁宣夏見貽

知君奇偉脫菰蘆不愛儒生愛酒徒天畔月高時倚劍江  
千秋老共呼盧技成甘效屠龍氏命薄還爲牧豕奴自昔  
暗投多見棄肯將雙淚落窮途

曹炯字澹兮金山人有西湖游草友樹軒稿白門草諸集

楊白花

楊白花春暮白如雪飄蕩逐東風誰家怨離別飛入深宮  
不見人子規夜夜空嘯血

舟次金山

輕帆懸夕照鮫客叩舷來翠壑蛟龍窟珠林鳥雀臺煙收  
吳嶂出雲斷楚天開便待冰輪上臨江一舉杯

曹燕字子翼金山人諸生有浮香舫草梅厂未刪詩

人日小蘭亭社集

臘盡江皋好放春更逢今日是靈辰草茅兄弟多詞客落  
拓乾坤一酒人風破玉梅寒減未話長銀箭漏添頻朝來

池草誰傳句且聽西堂鼓吹新

葺廬

身世本無主居停寒暑遷籬疏雲欲補屋小月能穿詩意  
風前遠花光雨後妍寄言招隱者曾足買山錢

邵潛字潛夫自號五岳外臣江南通州人諸生有邵山  
人集

仙姑洞

仙女乘雲去不還桃花流水洞門開朝懸明鏡澄江上畫  
出雙蛾是遠山

游惠錫園

零雨暮云歇秋氣晨益清名園逝探歷四顧抒中情空翠  
映簾幕飛泉滌階庭巖花漸凋謝汀芷揚其馨翔翼拂高



漢游鱗浮且沉式觀孤征雁載聆寒蛸鳴眷此愜幽賞離  
憂聿已平何當占一壑永畢吾餘生

閒居

城市亦堪隱春風獨掩扉狂憐生計拙貧使故交稀日月  
摧蓬鬢煙霞老薜衣不須論塞馬得失總忘機

劉以化字敦甫號崇庵寶應人諸生

詩話敦甫嘗與同縣喬子卓遺李素澤藻先朱澹子  
克簡張韜仲璠楊紫虹燻王厚庵凝鼎結詩社於準  
提寺羣從中如重甫以任介人以价漢臣  
以侯惠臣僑亦皆能詩一時彬彬稱盛

同人集準提寺晚過漁家

城中春較遲湖上草先綠素友相招邀淨地聯芳躅歲月  
苦奔馳昏嫁憐拘束觴詠愜幽情風物寓遐矚縱論雜古  
今遺形失榮辱月出挂城頭照我松間屋疏雨滴花琴微

風動林燭煙際下漁舟家在青溪曲

單嘉猷字微仲常熟人諸生

新霽

積雨林薄昏溼雲漫巖屋出門望陰晴快睹開初旭高峯  
聳螺鬟潤澤比膏沐池塘漱澹波半沒新生竹草深蛙黽  
喜繁響出叢綠落花淡無言點點灑春服老農急磨鎌隴  
上來甦熟往矣適予情正可騎黃犢

吳孟堅字子班貴池人有偶存草

詩話子班爲次尾之子尙氣節好  
交游有父風詩亦有伉俠之氣

歷氣培歌

歷氣培前奔萬石陰雲莽莽黑霧塞水號風怒激沙飛彷彿  
旌旗雷電掣我父軍聲墮此間星日無光天欲折我母

頸罹刃痕七身投層崖腦迸裂我妹三齡棄路死百口家人一無得前山溪下血猶腥將士同時皆義烈煙燄玉碎三十秋天地迄今爲慘惻腸斷紆迴忍追憶千載空坑堪並說嗚呼千載空坑堪並說

雁字和彭禹峯先生韻

飛來陣陣滿天逋一幅江山似墨塗戢翼隱藏河洛數沖天畫破卦爻圖慣逢風雨驚三峽素暹煙雲駕五湖不是龍蛇行紙上乾坤何事爲泥汗

天空嘹唳鶴鳴皋迴雁峯前峯更高旣同江子花生夢又憶毛生穎脫毫片羽影隨編畫幅斷腸聲到振江濤從來怕舞霓裳曲冷落河山灑鳳毛

翩翩錦字向誰搓斜抱雲和月已過身伴天娥垂玉袖音

驚越地起吳歌珊瑚枕上傳幽夢翡翠樓中點絳羅不逐黃鸝颯綠柳故來人世斷腸多

去年零落被弓侵淚溼紅牋無處尋欲綻似含無數怨暫停疑有一聲音斷霞轉影曾天際濃霧分煙滿藝林自是淡描人不識玲瓏格調隱沈沈

馬日思字禹公桐城人諸生有白下詩鈔

詩話禹公少敏悟以詩書爲寢食簡靜恬約落落寡交贅婦翁家時泛秦淮登雨花臺諸名勝間一寄興而已詩清麗部秀脩然塵垢之外

寄里門諸兄弟

人言兄弟好在家常不知出門東西去形影獨相隨夢中猶晤語醒後忽天涯脊令雖小鳥比翼向高枝男兒四方志安得無別離憶昔聚里巷六人共一師對酒青燈夜聽

歌白苧詞少小不及樂老大徒相思

夜坐示內

痛讀離騷不放懷鹿門攜手隱堪偕劉伶卧病猶貪醉周  
澤逃禪獨好齋身冷履霜嗟葛屨家貧沽酒借荆釵人生  
隨遇須安處方信卿言亦復佳

懷齊稷下

葭莢蒼蒼水一涯近知消息在京華我聽夜雨吟衰柳君  
似春風妬落花燕市酒徒歌當哭并州遊子客爲家何時  
得返東吳棹相對清尊到日斜

孫中鳳字喈公號冰崖桐城人貢生有雲溪半舫越游

閩游諸集

詩話喈公與兄振公中麟弟易公中彖卧公中夔明  
季同爲博士弟子文壇詩社一時有荀龍謝樹之譽

順治甲午振公易公同舉於鄉明年乙未振公成進  
士乃臚傳甫五日遽卒易公五上公車不遇抑鬱出  
游沒於旅耶  
人咸惜之

秋日江洲有感

獨眺層臺上天空起雁羣孤城淡黃葉落日傍秋雲  
砥柱千家合風煙萬里分還山悲短髮笳笛夜深聞

熒惑連宵燦光芒射斗明關河鬱鄉思鼓角亂秋聲  
客夢三更斷羈愁千里生一尊對江月無限古今情

姚文勳字集侯號丹楓桐城人貢生有丹楓詩集

山居懷王明我

與君數載游同作天涯客山色異鄉青歸情江水白  
今予獨處時念子寒風夕秋盡猶未還愁見庭楓赤

秋日飲王潤甫夫子山莊

聚坐松林下遙聽遠浦歌夕陽明古樹微露引疏荷鳥噪  
暮山靜風生秋水波揚亭容問字呼酒興偏多

姚文奩字夏侯桐城人諸生有瑞應草

夕眺

望中野色變衰顏雨後風光天水閒一片青苔封古石幾  
行疏樹點空山僧歸柳徑初傳磬秋入綿衣欲掩關暫借  
草亭因待月肯教夕照負人還

姚文鰲字駕侯號蟄存桐城人諸生有寶閒齋詩集

送九兄羹湖之蓼

干戈滿目未休兵負笈勞勞獨遠行驛路草深官柳細板  
橋露白客裝輕已憐鴻雁三秋別莫動鱸魚千里情君到  
蓼城應念我屋梁有夢月華明

李憲字長康號古塘桐城人

同蔣仲一汪河發郊行見杏花初放期再賞之

圃外見紅杏高林氣若霞朝來一片雨開到幾枝花惜此  
好春色多於野老家偶然看不足記取路痕斜

天門山

雙峯如鑿斷絕壁對崔嵬楚蜀千重遠東南一氣開潮聲  
歸海去帆影出天來渺渺煙波際徒深庾信哀

趙崇禮字溪叔涇縣人

詩話溪叔幼聰穎六歲卽能爲應試文字  
及長傳心嗜古善書畫詩以峭刻清雅勝

新秋

去郭曾無遠今人不易尋高林初葉墜秋雨一簾深老態  
慚香稻孤懷傍素琴杜鵑聲未歇何可聽層陰



張客卿字賓王涇縣人有有缺草

爐水

一水通蠻絡沉沉不計深蛟涎連積雨蜃氣結層陰毒草  
迷蒼渚繁花映黑潯武侯炎渡後煙瘴只今澄

清明

落落逢佳節閒愁病裏深片雲來客夢芳草亂鄉心不盡  
風花淚何堪水竹吟家山遺故隴松柏意森森

吳錢字若金宣城人諸生有浮筠軒集

久不得會庭間消息悵然有懷

路向西南盡江連漢沔深旌旗秦棧曉橘柚楚祠陰落日  
孤村戍秋風萬里碁黑貂應已敝誰識曳裾心  
戴研字導及號蛻齋桐城人貢生

舟次邗江感懷

寒雲蕭瑟片帆收  
江草江花動客愁  
瓜步濤聲常帶雨  
廣陵山色易爲秋  
已拚湖海供多病  
漫逐風塵故倦游  
寂寞仲宣懷故里  
不勝搖落賦登樓

張雲鶚字次飛貴溪人有晚香堂集

游水巖

數筆雲林幾葉丹  
敢言抱卷向名山  
舟從虎圈秋塵外  
夢在羅浮素月間  
潭靜影能將檻遠  
鐘殘韻亦比人閒  
通仙幸有雲情在  
指點蒼顏數往還

兵遠

絕壑誰堪此  
旦昏可憐垂  
老負兒孫  
兵遙已被烽煙苦  
家在甯忘耕鑿恩  
驚鳥宿林啼  
夜雨荒村留月  
覓餘魂  
天狼

未殞時多難收得郊原老淚痕

徐斯皇字宜振號淡庵江西新城人明諸生有花舫雜  
詠

聽竹庵

修篁搖翠影小築迴清幽蟲語團庭綠蟬聲帶水秋寒雲  
依石澗獨樹表荒邱坐卧欲忘返蕭然何所求

徐仲光先生至或見之日者肆過訪不值

我思李鄴侯衡峯寄高躅復羨賀季真歸老鑑湖曲仙骨  
被霞裳邁年粲紫玉二公處中朝不爲名利東卓犖徐先  
生天衢騁驥足茂齡脫塵網傀儡視世局甯謂宦情淡良  
山忠懷篤姑山何神秀高隱終南續夜起星參橫少微正  
炯燭我欲從之游邈然絕攀躅

丁裔沆字函巨嘉善人諸生有香湖草堂集

詩話函巨爲清惠公孫弱歲能詩黃九煙姜西溟盛稱之中年後與兄雪庵並耽禪悅舉所作盡焚之

石頭城

君不見龍驤將軍意氣豪連帆戰艦明珠袍雄師八萬挂  
席進角聲吹斷黃雲高鸞旗半捲青山裏魚龍悲咽秋江  
水自將玉篆付官家不遣將軍折一矢赤烏事業不崇朝  
盡逐東風散怒濤橫江振旅饒歌發白髮將軍看寶刀寄  
語橫行且復休孫郎戰骨隨蒿邱當年割據山河壯誰道  
降帆下石頭

湘靈怨

楚山青楚江永幽絃出水寒波動青絲短別恨長碧潭浸  
月照微茫聲清切驚落葉夜半嘯猿愁不歇聽悠悠湘水

流蒼梧縹緲黛雲<sub>下</sub>秋猿聲急絲聲咽吹入竹枝轉淒絕竹  
煙浮淚未收寥天清怨泣漁舟

曹偉謨字次典號南陔平湖籍金山人歲貢生候選訓

導有南陔集

詩話次典生當明季有聲幾社康熙中貢入成均忽  
意故鄉菱角襍被遂歸與從兄顧庵續舉小蘭亭詩  
社

中秋虎邱對月

虎邱今夜月極目思悠哉白露中宵降清光萬里開笙歌  
沈鼓角鐙火出樓臺少小經游地曾陪杖履來

秦淮竹枝詞

秦淮春水綠迢迢楊柳千條更萬條每過珠簾停打槳惹  
他簾內罷吹簫

戲演魚龍夜不眠梨園牌號阮家編輕輕斷送南朝事一  
曲春鐙燕子箋

藩邸初來樂府奢中官四出選良家一朝馬上琵琶去井  
底曾無張麗華

曹鑑徵字徵之嘉善人有白石樓紅藥園兩集

得魏子存舅氏蜀中書

西蜀東吳萬里餘那堪薄宦久離居舅甥忽憶三年別鄉  
國初逢一紙書明月颯猿巫峽迴秋風落木錦江虛何緣  
得貴軒筒酒將問雲安丙穴魚

毛正學原名樞字義上嘉善人諸生

詩話義上研精理學弱冠知名與陸清獻張楊園爲  
道誼交兄蕃弟楠皆以文藝著稱時號毛氏三俊

九日顧迂客雷阮徒招集吳山登高用昌黎人日城

南登高韻

昨夜橫山堂柔翰頻自弄諸君各健舉獨如蠅被凍詩本  
吾家學才盡迄無用今朝吳山道籃輿託後從俄停陶峴  
舟金尊呼客共目矚遠近峯一一迎而送漁艇櫂歌回釣  
車捲斷葑落日浴平湖水勢兼天縱急管雜繁絃終宵亦  
空憇傳語謝山靈茲游不辭重

葉已畦招集二弃草堂用昌黎醉贈張祕書韻

葉生我密戚才名宿有聞爲儒號漫士作吏稱神君十年  
卧邱壑雅意在斯文結廬橫山畔屋角饒煙雲芙蓉圍清  
池籬菊初舒芬我來草堂上邂逅沮溺羣促坐共傳杯絲  
竹鳴宵分高蹤媿猿鶴正爾成一軍四筵歌既醉起視各  
半醺斜月在木末清影微氤氳聚會此時節諸賢意何云

竊歎風雅途俗學方糾紛但知逐淫哇不解謝羶葷相將  
颺華袿無復曳縞裙筆端出細響有若蠅與蚊忍令芸薹  
臭竟等蘭茝薰用是懷百憂徘徊升大墳詩教苦荒落久  
矣待勤耘誰者起任之藝林當銘勳吾黨尙努力乘茲日  
未曛

懷應聘字莘皋嘉興人有高愉堂詩集

同萬年少黃心甫晚集樹上

山色入高樓寒雲隔樹流雨來松榻黯風動薜衣浮瓦缶  
傳秋醴銅壺急夜籌蛩聲雜甌響偏共到牀頭

錢煥字蔚宗號愚谷嘉善人有息深齋詩

過五人墓有感

一死尋常事千秋浩氣垂鬚眉人有數間里節堪師古樹



蒼煙裏原田落照時半塘來往客相與弔豐碑

艤舟隄上立未得薦溪蘋柳綠絲成障畦黃錦作茵當塗  
多逆黨直道在斯民誰話興亡事盤觴次第陳

濮淙字澹軒桐鄉人

詩話澹軒事二親至孝遇火入煙後中翼二親  
出有院雪居月巢蓮園諸集今皆無傳本矣

聞蘧玉已寓京口

容易相逢尙未逢老年親故喜相從已辭野店中山酒望  
斷煙江北固峯一夜夢游千里月五更霜落萬家鐘莫嫌  
人遠天涯近書到樓頭第幾重

翁白字未青福清人有梅莊詩集

詩話梅莊詩多七律曹秋岳謂其感遇  
傷時怨而不怒與真山民梗概略同

乙巳春發吳門留別

歸來暫共此登臨又擁鶯花過武林馬首春風正月路板  
橋夜雨十年心愁刪白髮還爲客悔別青山欲放吟記得  
王門投筆後五湖飄蕩到而今

中秋客蕭山

小樓歌管月明時簾捲中秋病不宜搖落一杯還作客艱  
危萬里獨吟詩心知老去終多累計欲閒來未有期卻羨  
向平婚嫁畢青山贏得好生涯

陳騷字昌範號仲桓長樂人諸生有偶庵集

送紀伯紫之金陵

逢君傾蓋好言別大江流意氣憐杯酒山川換驛樓裁詩  
舊國夢讀史白門秋獨有閩南客頻看雨後舟

別周載侏孝廉之崇安

秋到柴門靜倦鐙尋夢餘山空雲度鳥浦白月歸漁抱影  
應同汝勞生慨獨余畏看河漢淺良夜復何如

尋春

野外尋春三月時偶然昨夜與僧期山多樹老行人斷流  
水柴門午磬遲

趙與榎字楚材龍溪人有珠谷賸草

九日雜詠

寒食弔之推端陽悲郢客如何重九日不祀陶彭澤

蔣大年字彌少邵陽人諸生

詩話彌少好在侯明季寇亂里懸輒以意生死人彌  
少力爲救護入國朝請免連年逆賦與唐補石懋職  
劉澹山應祜諸人共修郡志蘇  
遺孑存壁間鄉里稱善人焉

資江酬友

敢將風雨怨途泥  
山色遙憐望裏迷  
放艇煙花同泛泛  
懷人池草但萋萋  
怪從北地來鴻翮  
肯爲東風逐馬蹏  
楚澤由來悲滯客  
浮雲不散萬峯西

蕭廣昭字文遠漢陽人諸生

詩話文遠自號沌口老漁與弟企昭文超砥礪學行  
熊文端目爲二難文超副貢生講宋五子之學先卒  
文遠哀講學諸書合刻爲蕭季子語錄

鸚鵡洲

公子登樓歎未歸  
晴川極目掩芳菲  
飄零楚客同煙樹  
寂寞詩魂繞鵝磯  
楊孔文章應共壽  
曹劉豎子未堪依  
遼東惟有孤棲鳳  
不向人間炫綠衣

潘國祚字燕邱號東柳江夏人有燕邱集

襄江道中

畫舸搖搖逐曉寒江雲飛盡亂峯攢垂楊故作千行綠楓  
樹誰知一夜丹萬古風騷存澤國五湖煙景問漁竿好山  
過去休回首留取歸時對面看

潘永祚字太邱江夏人拔貢有恕庵集

經岳陽戰場

繫艇巴陵日已斜洞庭秋色老蒼葭城經百戰增新壘路  
轉千村少舊家曠野碧燐吹凍火中宵白骨語寒沙精魂  
枉入春閨夢酌酒誰來水一涯

劉醇驥字千里號廓庵廣濟人歲貢生有芝在堂集

春日游靈山山在縣治東三里許其上有諸精舍

幽意谷泉落相將任往回誰持星浪石移近雨花臺人坐  
翠微笑鳥邀春色來山僧有新約曾許寺門開

數轉煙蘿入微茫山氣中陰晴半壑樹鐘磬午天風飯供  
行厨白香分寶座紅無能隨遠社猿鶴偶然通

程封字伯建號石門江夏人拔貢有山雨堂集

詩話石門詩尤長五律如旦行云畏起頻驚曙荒雞  
太不情病馬云平時妄汝力因病始驚心秋夜云不  
信家仍在兵戈滿大荒弔灑處土云不死曹公手其  
名目可傳皆工於發端漁洋嘗贈以詩句云豈少通  
侯推祭酒依然蠻府作參軍  
想見有才不遇而深惜之也

登晴川閣

帆影高低過石頭看雲合上幾層樓空江易作三春雨古  
岸微同六代秋大別山於窗牖入武昌城向畫圖收登臨  
不用傷懷抱磯下何人著釣鉤

暮相思

行行燕子磯風潮夜將發天寒四野迷獨坐舟中月絨情

不得寄殘鐘聽來歇

羅宏備字我生東湖人拔貢有習靜堂荆門山人諸集  
再游三游洞

蕙服芒鞋早辦裝重來攜酒興猶狂臨風野嘯隨溪響出  
谷春衣帶草香洞口土花封古字山腰人影動斜陽捫巖  
姓氏誰堪語一片寒碑白侍郎

杜紹凱字蒼略黃岡人

秦淮竹枝詞

垂柳莊前夕照寒早潮落盡暮潮寬春宮小說紅氈上儂  
愛鍾山雨後看

征蠻夫壻貴通侯珠翠籠燈夜不休爲看鰲山如白晝瓦  
盆爭照牡丹頭

彭旋齡字天來江夏人

秦淮東魯峯

何處尋羈思河亭春水生柳垂三月雨鶯送六朝聲無句  
憐桃葉迴船過冶城竹枝歌未罷今古一關情

舒峻極字漸鴻廣濟人有韋園集

入東衝

屐齒平苔蘚鐘聲出上方高松啼鸛鶴白草瘦牛羊泉瀉  
千溪雨楓周一夜霜五峯峯頂月清冷照衣裳

客路

客路饒風雨中心幾鬱陶天連黃海闊門閉溼雲高羣盜  
東南劇凶年賦稅勞故園歸去夢何日涉江濤

陳士規字景之號鶴洲廣東海陽人有嘯珠堂集



夜坐亭邊

幽棲耽靜僻，息影隱疏林。  
寒塘隔野寺，鐙遠煙際沉。  
露白秋草間，百蟲感何深。  
潛然數行下，徒懷壯士心。  
煩憂結不散，流響寄鳴琴。  
天高銀漢迴，落月欲橫參。

黃進陞字翼聖澄海人諸生年一百餘歲

述懷

長年故紙老生涯，自此清江買釣槎。  
鷗鷺若非逢聖世，秋汀未許占蘆花。

廖燕字人也曲江人諸生有二十七松堂集

舟過清遠峽望飛來寺

山寺隔煙水，舟人指古碑。  
入雲松影密，出峽磬聲遲。  
臺閣峯能徧，神仙事可疑。  
當年來去跡，巖下老僧知。

春夜丹霞山樂說上人院坐雨

高齋添客坐，鐙影隔長林。一雨催春盡，千峯落磬深。電奔巖石火，寒逼草蛩吟。莫厭通宵語，平生祇此心。

高儼字望公新會人有獨善堂集

詩話望公善繪事就月下作畫視畫尤工平南敬王欲置諸幕下屢辭之不就

秋日雨中登樓

涼風吹驟雨，高坐稱閒心。草閣水聲裏，山城秋色深。滄洲何處是，白日一時沈。向夕衡門掩，煙霞繞玉琴。

送張穆之度嶺

白頭爲客昔人悲，況復行當此亂離。江國昔年曾失路，才名今日恐非時。隻身旅食仍依友，萬里家書欲寄誰。莫向天涯重留滯，青山還有白雲期。

羅甯默字仲恭順德人諸生有偶然齋集

二月十三夕月同李興韜散步溪上

憐茲寒光內猶是漢時月籠隄竹萬梢層影漾高潔青溪  
澹欲無坐久遙煙發花香度平楚人語出木末斯時正洗  
心選意別幽豁

余前民白衣庵置酒

入林且緣徑不知身在山豁然上空綠一刹如雲間萬峯  
次其前樵聲相往還折竹落霜粉長蘿垂煙鬢故人肯相  
待展席青蔥間高秋帶靜色百慮早自刪我何欲爲異臨  
風共頽顏

香山送萬眉仙別

君又不肯住悠悠安所之出門菊花發前路霜風吹別只

寫江賦秋應學宋悲我歸期亦近相去略參差

朱昂字子眉昆明人有借庵詩草

秋感

我行向東郊徘徊望秋樹落日四無人汨汨水東注禾黍互高低鳥雀驚遲暮卽此懷舊山佇立不能去

遲友不至

古樹歸鴉亂晚煙生葦門遠山看欲暮清景易爲昏我友在何許徒令空此罇徘徊夜將半不寐誰爲言

晴

雨歇山容出秋光遠近分疏林通曉日絕壁走寒雲雁影高難見泉聲靜卻聞呼童移坐榻花下拂桐君

塗大輅字玉華號鐵船石屏人有蔓衍集

輓建水牧劉武功

名儔明末建水牧後隱於僧

錦江洗濯玉冰姿  
早擬鸞班立鳳池  
萬里薄游今夢幻  
一生節義幾心知  
無家杜甫投荒日  
有恨賓王落髮時  
屏海雲龍歸去後  
忠魂應復繞峩峩

送友還黔

到處鶉聲送馬蹄  
君行還在夜郎西  
渾忘夜雨龍津合  
忍看春風鳥道迷  
客舍月來誰共酌  
郵亭詩就獨留題  
別時更有思君處  
竹裏流泉間午雞

晚晴移詩匯卷三十四終

晚晴簃詩匯卷三十五目錄

姚啟聖 六首

江闔 三首

費以矩 二首

徐崇岳 四首

袁藩 五首

蔣本生 二首

田雯 三十首

嚴我斯 二首

李元振 二首

熊一瀟 一首

趙士麟 八首

勞之辨 七首

王連瑛 三首

車萬育 一首

盛符升 三首

曹貞吉 二首

衛旣齊 二首

劉謙吉 二首

吳李芳 一首

方殿元 十二首

孫郁 二首

錢芳標 四首

申涵煜

五首

文化遠

二首

虞黃昊

一首

楊岱

三首

賀振能

二首

張雲章

七首

晚晴移詩匯卷三十五

徐世昌

姚啟聖字熙止號憂庵漢軍旗人康熙癸卯舉人官至福建總督加尙書太子少保有憂畏軒遺詩

詩話姚少保督閩與靖海侯施琅平臺灣盛有聲李文貞作傳言公十歲能文美丰儀性豪宕不羈膂力過人康熙二年癸卯舉順天鄉試授香山知縣劾罷募兵從康熙親王遂與浙閩軍事相終始榕村語錄尤稱其晚節勇於遷善閩人多祠祀之摘句如黃邨看梅云正宜明月上不礙白雲歸亦閑雅可誦也

香山閒詠

溼雲愁結暮山重  
水白沙明何處鐘  
夾岸荻蘆橫野色  
大江風雨暗孤蹤  
已經去國爲遷客  
猶有悲歌答老農  
千古無多零落恨  
不須此際歎遭逢

扁舟復渡鐵城陰  
見說農樵出遠岑  
聖主已寬邊界令  
逐



臣未盡撫綏心幾年共爾棲荆棘此日憐余載鶴琴猶幸  
斯民還舊業莫教寇盜再相侵

無數艤艫犯海波我來守土竟如何荒陲百事怡情少孤  
島三年戰血多獻馘樓頭騰劍氣受降城下奏鐃歌彈丸  
若使勞臣在未許潢池復弄戈

地居天末海濱東況復遷離盜賊充千里波濤孤枕上萬  
家飢渴夢魂中寒猿泣月移高樹宿鳥驚雲過別叢莫問  
當年關切意只今憑眺有餘恫

白鶴峯

傳說眉山草木枯鷺城今似輞川圖攜來秀色開荒徑獨  
闢新峯到海隅萬疊雲山歸白鶴兩江煙雨出西湖蒼茫  
露冷兼風亂漁火鐘聲或有無

視師

提師渡海極滄溟萬里波濤枕上聽此際夢回銀漢轉千  
峯明月一孤舸

江闈字辰六貴陽籍江都人康熙癸卯舉人榜姓越己  
未舉博學鴻詞歷官解州知州有河汾集

王阮亭曰門人江辰六詩浩浩有奇氣  
繪有借書圖一時諸名公多賦詩題詠

喜吳天章至自蒲坂

久違冰雪後相對兩蕭然有榻留徐穉無錢與鄭虔銜杯  
重話舊翦燭欲忘眠不識千秋後詩篇若箇傳

涉海螺山諸灘

緣谿迴短櫂是境盡移情雲日從峯變雷霆入地生穿林  
通野市隔岸見孤城祇爲耽幽思湍流絕不驚

上巳呂儀部招游平山堂分賦

嫩草芊芊滿徑生  
故宮三月未聞鶯  
幾行綠樹連東楚  
萬疊青山出石城  
曲岸花深歌舫慢  
小橋風定酒旗明  
封侯平固眞瀟灑  
郊外流觴宴步兵

費以矩字仄平石阡人康熙癸卯舉人官新甯知縣

送溫陵張永卿都督遷官成都

灕溪芳樹望迢遙  
酒酌驪歌送客舫  
門下指揮唐曠騎  
尊前談笑漢嫖姚  
龍旗曉渡三都水  
虎帳春開萬里橋  
想到岷峩佳氣鬱  
籌邊久待李文饒

自平溪至沅贈州守祖玉州

撻金伐鼓放舟行  
萬里長空一葉輕  
三楚雲山遙指顧  
五溪花鳥欲將迎  
江流灕水天方闊  
路出龍標山漸平  
此日

莫愁無地主美人洲上有香蘅

徐崇岳字石公保山人康熙癸卯舉人有造適軒集

南鄰

一月不相見爲歡能幾何寒鐙疑影共夜雨記聲多別去  
人如玉愁來嘯也歌南鄰知在眼只是隔星河

蕪園秋興

林木無聲語夕陽薄寒容易透衣裳魚梁水落三星白菜  
圃霜凋九月黃小飯欲歌先斂乃短衫試舞莫郎當晴空  
萬里秋光滿好共登高話遠鄉

旅邸漫成

自有權奇骨才來金馬門九方皋不見獨立近黃昏  
下有易水風上有太行雪嗟爾行路人那得肝腸熱

袁藩字宣四號松籬淄川人康熙癸卯舉人有敦好堂

集

詩話松籬久困公車終以不遇王戊剛中賦詩云二  
十年前古戰場卧聽誰鼓夜茫茫三條畫燭蓮心熟  
一徑寒風透骨涼苦向緇塵埋鬢髮憑誰青眼託文  
章明宵別後長安月偏照河橋柳萬行漁洋採人池  
北偶談謂有落第者吟之至拉下云

答唐濟武太史用來韻

夜涼靜聽秋聲起籬外草蟲鳴不止挑鐙坐對松影寒明  
月乍出疏林裏少年華髮驚時節便欲學仙歸貝闕十載  
勞心思探珠半生失計空磨鐵神仙何必厭妻子秦樓弄  
玉隨簫史織女黃姑會有時別牀異被徒爲爾先生問道  
何其早紅塵莫惜知音少須從火底現蓮花肯向秋原同  
腐草與君試訪殷七七至道不煩惟守一天台有路度石

橋水流定泛桃花出

詠鏡

阿房宮中星萬點  
熒熒綺戶秋波灑  
當年對此知何人  
香銷膩玉愁雲掩  
照膽鑄成粉黛悲  
三千宮女斂蛾眉  
驪山未畢重瞳入  
咸陽三月青燐窺  
自從埋照歸東海  
苔封水浸寒光在  
洗出窗前皎月生  
那知朝市浮雲改  
絳氣連朝矚太清  
一泓秋水淡空明  
紅顏閱歷知多少  
霜鬢憐予亦有情

過灰埠驛次施愚山先生韻

沙落隨風轉  
秋蟬靜夕亭  
雨連村盡黑  
山近海偏青  
古木悲殘照  
秋光點鬢星  
可能留一憩  
歸夢不爲醒

送韓仲常游武康

風急霜清木葉凋江南微雪路迢迢寒雲雁度金山寺明  
月舟迴寶帶橋長劍雄游增氣色短歌生計悔漁樵餘英  
溪畔時回首好寄音書慰寂寥

贈張幼量先生

離憂幾載黃山道秋雨重來坐草亭多難對看雙鬢白晚  
涼獨眺亂峯青半窗蕉葉愁中老滿座松風雨後聽莫憶  
前游不成醉沙溪依舊水泠泠

蔣本生字字臣一字道生零陵人康熙癸卯舉人有湘  
生閣詩草

詩話道生事母孝居喪廬墓有燕集虎噪之異免喪  
未久即卒詩特清麗佳句如寒煙不散空江雨斷岸  
時傳古寺鐘出水亂雲侵短榻背人孤雁戀殘陽花  
片暗飛三徑溼柳絲春慢一船深草深竹外寒山路  
門掩秋前暮雨  
鐙皆琅然可誦

同吳長庚太史謁柳祠次韻

蕭涼不異荔蕉詞嶺外文章動古思白石斷煙人醉後小  
溪寒島雁來時寺荒雨過棲燐火樹老秋深嘯夜鷗莫讀  
殘碑詢往蹟南州太史有餘悲

買小舟來往湘上有作

油壁青簾在在家垂楊曲曲帶煙斜未酬環海三山夢先  
占閒鷗半席沙憂患餘生惟中酒蹉跎晚歲只看花從今  
不管浮沈事坐送新虹斷晚霞

田雯字子綸一字綸霞號山蘊晚號蒙齋德州人康熙  
甲辰進士官至戶部侍郎有古歡堂集

盧雅雨曰先生學博才瞻所爲詩如萬斛之泉隨地  
湧出不擇細流間一出奇則如夏雲之突兀怪松之  
礪礪未易名狀所謂橫空硬語妥貼排奐者惟先生  
有之沈歸愚曰山蘊詩才力旣高取材復富欲謙



唐宋而擅之山左  
詩家中另闢一徑  
詩家山壘少孤承賢母之教淳厲於學成進士授縣  
令入資爲舍人自郎曹歷卿寺出撫江蘇興水利恤  
漕弊有惠於民又移貴州定士舍振文教民尤感之  
爲塑象揚明書院詩以瓊偉雄邁勝好山壘花屢見  
於詩因以自號愛其長孫呼以小山壘詩所謂客來  
須倚小山壘扶我極者遂謂欲以奇麗與漁洋並時同  
鄉里而詩派特異論者遂謂欲以奇麗與漁洋並時同  
人本學問爲文辭各極其所謂於同時名宿不相附  
麗不相訾譽蓋自信皆足以傳初無  
取於相競持此論者未爲知言也

書沈石田詩集後

石翁不羈人騰蹕詔豪唱闔閭佳山水懷抱足幽曠修竹  
叢一軒湖光枕清漾陶謝快同游述作勞意匠海內走盛  
名脫略睨卿相倏然八十年布衣得無恙追昔仁宣間詞  
場聲價壯乃知出與處遭時乃有當臆葦平生交擬之陸  
魯望

答申隨叔

散吏漫郎癡可憐  
長安匏繫數經年  
正平未解投書刺  
司業頻來送酒錢  
寒樹棲鴉風不定  
空庭搗練月初圓  
一番秋水懷人夢  
又到白蘋紅蓼邊

題李龍眠畫卷

弇州山人譜名畫  
唐之摩詰宋龍眠  
今觀此卷歎奇絕  
顧陸張吳難並肩  
當其下筆風雨作  
鵝溪十丈何旁薄  
陂陀竹嶼優曇花  
蒼梧洞庭生繚郭  
山口一佛將欲行  
蠻君鬼伯羣縱橫  
幢瓔冠玦詫變相  
羅什盧女蒼虬精  
其後諸佛坐且立  
一捋長眉一盤膝  
亞松巨楂怪石伏  
悟者捫腹跌者寂  
天魔赤腳鼉鼉游  
陽侯逆走溟渤黑  
最後雲氣隨飛龍  
剝然直上蓬萊宮  
萬頃波濤沸欲動  
前山雷雨紛來從

嗟哉異物世罕見金題玉躡開生面平津邸第什襲藏當年賜出明光殿我聞乎元廟壁筆有神公孫之舞勢絕倫杜老得此應大叫嵩牛幹馬徒紛紛嗚呼妙蹟千年不易遇豐城光焰爲呵護翻愁雷電驅神丁盡攝澄心堂紙去

登毘盧閣

老柏鐵枝盤佛閣翠微晴色動林皋人家遠抱桑乾曲山勢斜奔碣石高檻外天風鴻上下城邊秋水樹週遭憑陵霄漢人聲寂獨有禪鐙照客袍

千尋佛火出層雲面對西山正夕曛老樹風懸鵬鷗宅荒原草長駱駝羣秋生沙磧寒應早水下天津勢漸分側耳秋城聞戰鼓登壇重起舊將軍

丙辰生日放言

我生四十有二年忽忽不知老將至今朝對鏡出面顏局  
促衰頹誰所致世言高顙大腹兒持梁刺肥決富貴怪我  
清癯病且頑只合入山藏薜荔自是虞翻骨相屯甘讓蔡  
澤遭逢異執戟十載但爲郎希韞一斗便成醉通籍廁名  
等贅疣投刺畏人如縮蝟作買量無猗頓術貪榮豈有灌  
夫勢黃鶴觜爪差堪憐蠹魚脉望究何濟負郭久荒二頃  
田養身漫假五禽戲投老空門恥鈍根愛讀南華亦強記  
四座勿喧進一觴看我拂袖理歸計吁嗟乎我生四十有  
二年忽忽不知老將至

暮春同于桐江汪鐘如吳五崖游張氏園晚過嘯公  
房

竝

蒲浪切

城最苦名園少覓路幽尋古寺隈掃徑何曾嫌客

過入門忽漫見花開亭邊小沼春泉響衣上新泥燕子來  
茗椀棋枰消永晝不妨隨意坐莓苔

藍尾酒香寒禁火擔頭餲熟軟膠牙可憐前日清明雨悔  
不來停下澤車隨地編籬鋪石子隔軒栽竹映窗紗催人  
節物春光老墮盡柳綿開棟花

雨餘蠟屐轉溪灣尋勝招提未擬還花下遠公須置酒春  
來謝客幾登山寺藏橘刺藤梢裏人在蜂鬚蝶粉間向晚  
講堂鐘磬寂一時塵念欲全刪

無賴春光三月新馬蹏不厭躅芳塵桃花有路尋漁父春  
水無波賦麗人爲掘藥苗攜僕至少餐廚蕨恕僧貧羣雞  
亂叫牛羊下歸路黃昏雨墊巾

將歸

晚菊寒叢病有花  
西風料峭雁行斜  
秋深時節辭官去  
不待頭綱入餅茶

蘆溝橋

虹蜺千尺暮雲屯  
塞路人行駕短轅  
霜下桑乾寒浪小  
火燒碣石遠山昏  
平林葉脫巢禽出  
野寺煙深粥鼓喧  
聞道張華曾有宅  
葦花漠漠弔荒村

牧牛詞

日將暮牛來歸  
扣角弄笛牛不飢  
稚子跨背叟候扉  
黃昏牛卧蝙蝠飛  
雨溼牛欄生箬衣  
老特秃速小犢肥  
八口之家憑爾爲  
官府催錢議賣犢  
與其賣犢甯拆屋

七月十九夜

秋夜三更盡  
今宵尙在家  
可憐一尊酒  
明日又天涯  
僮僕

催行李園林噪暮鴉  
鏡前看白髮  
老淚數行斜

秋日

豆架瓜棚短竹籬  
菊花更有兩三枝  
西風乍起鱸肥日  
霜信頻來雁叫時  
閒遣長鬚邀飲客  
細舂新米續晨炊  
前年記得江干路  
樹樹黃橙綠橘垂

題杏村讀書圖爲謝員外方山

鬲津之水流潺湲  
蛟龍抱珠藏黑淵  
兩岸杏花一萬樹  
天風破碎生春煙  
絲絲寒食鞦韆雨  
片片波面臙脂錢  
土牆茅屋插數椽  
謝客讀書三十年  
青蒲白鷗相映帶  
花鬚蝶粉日裏纏  
身如蠹魚穿其穴  
龍唇楮具牀頭懸  
何不拂袖思歸田  
輸我山蘊窗下眠  
南村老人詩百篇  
與君細論長河邊  
今見此圖一流連  
爲此圖者摹巨然

移居詩

東野家具少于車學打僧包何爲家一捆亂書十五鉢奚  
奴負走如奔廢小巷偪塞通破寺鄰人指說來官衙自操  
箕帚掃土銼糊窗吹紙西風斜雨淋屋塌堆瓦礫牆腳殘  
立山蘊花日暮天寒驗霜信匪飛禿樹噉老鴉

冬日

膏肓有物苦相攻憑借參苓與朮芎冷熱那能驅瘴鬼文  
章誰可愈頭風閉門謝客宜冬日擁被貪眠是老翁乍放  
梅花天欲雪燒殘槽柶地爐紅

從前萬事總荒唐不飲狂泉定不狂遭鬼揶揄還老癖與  
天執拗費商量讀書燒蠟積孫課掃地垂簾上佛香自哂  
依然窮措大避人如畏夜郎王



百門泉上聽雨作歌

我家住在衛泉尾乘興來訪衛水源輝縣城北六七里十  
畝一沼如餅盆其土肥厚水清泚中有百竇穿石根大珠  
小珠盤渦走黏天拔地流奔渾直向東北入海去遠從碣  
石通析津撰杖到此夏五月祖龍不動炎雲屯振衣千仞  
清暉閣納涼河朔傾窪樽蒼松古槐立斜岸禿柳叢竹排  
當門須臾天漏大雨注空濛瀕洞山無痕四面風來葛衣  
冷簷前蝙蝠飛黃昏鹿角關連讀書宅此水亦到山蘊村  
今日徙倚山水窟新詩美酒安足論更下太行問濟瀆還  
探黃河窮崑崙

采石懷古

江干木末亭中流瀉清漾泠泠新月白橫拖煙水上獨坐

鳥聲寂微茫聞漁唱快哉臨汝郎風情何幽暢詠史動高吟  
吟文藻秋濤壯詎期運租船有客忽相訪千載素心人勝  
事不多讓花垂慈姥暝潮生牛渚漲大雅豈復作臨風懷  
謝尚

雲梯關觀黃河注海歌

章亥不到天墟遙崑崙一竇通重霄漢津初奔坤軸坼馮  
夷沃焦紛來朝雍州積石河之首龍門下瀉隨神颺底柱  
孟津繞大伾中華沙漠連元枵潯水迤東大陸北地平土  
疎山不搖一出伏千萬里大曲小曲風雨飄濁黃一斗  
沙居六風輪陣馬無停鑣頰毫徐宿在脣齒曹濮單鄆排  
脊腰雲梯古關尾閭地補桑滄澳誰相招來自天上歸地  
底不知此水從何消三門四折又九派錫圭之祖烏能祧

碣石既沒苦泛濫故道不復悍且驕白馬沈後無消息瓠  
子浪湧橫汎寥議築議塞日聚訟治河治漕羣嘵嘵賈讓  
賈魯各前席史冊言在作準標華容武功印川子其人羅  
立如斗杓關前下馬搜遺蹟天晴海面拖青瑤洪濤光駛  
礮礮電黑齒旗豎鼉置橋始悟萬物有歸宿浮生馳逐朱  
顏凋精衛銜木究何益尹公術幻真無聊落日西風透白  
袷杳連愁聽番禺潮寄語司空蚤底績山行乘楫泥行橈

儀真縣

松簾絲網架江頭叢綠新篁傷水樓一片風帆三十里買  
魚煮筍到眞州

赭陽酒民歌

赭陽土風古罕有潘水清甘釀作酒比屋麴米各鬪強多

者百缸少十甌糟牀下注鵝子黃味較索郎輒不醜此風  
不變已千年傳來疑是杜康後陵晨孤斟帶微醺出門釀  
飲呼其偶分曹浮白鮮虛日或三五人或八九伯倫便埋  
豈爲酣王績之鄉此居首快哉舉國皆歡伯可惜無螯空  
左手以醒爲醉醉爲醒孰好鼓瑟孰擊缶前年刺史來新  
官眼花落井印懸肘沈湎一臨聽事堂簿書置左杯罍右  
國人疾趨稱兕觥茗芋騎馬輿隸走如此真可博通侯加  
以九錫賜圭卣我亦逢車流涎者信宿那能停大斗漫云  
習俗善移人魯人獵較孔所取男耕女織何未聞願除麤  
糲戒童叟莫教嵇康李白知老生常談同徹帚輒飽登途  
太恩恩夕陽在山鴉鳴柳

晚渡荆江

乾坤納納神禹功嶽五瀆四排當中長江浩淼瀆之一盤  
勃元氣生洪蒙尾閭萬里注溟澥地乳三澗穿脇胸嶧冢  
華陽自秦蜀沱潛雲夢連蒼穹熊渠大國撐砥柱岷川轟  
怒來磨礪上牢下牢水湍瀉黃牛峽險浮巴東南戒直與  
漢江合洞庭彭蠡支流通沙市城郭籠蜃霧西塞竹箒藏  
渚宮石尤激浪勢灩澦鼙鼓結陣聲逢逢武昌白帝紛在  
眼天光霞色搖青紅我來經過駕舴艋垂堂弗戒行慙慙  
二更泊舡虎渡口柁樓星斗垂長空

麻溪伏波祠

椒房何例獨無君豈謂壺頭未策勳村廟尙存香火地五  
溪蠻不負將軍

飛雲巖

飛雲巖立翠千重草草登臨日下春莫信人間惟五嶽須  
知天末有三峰秦灰漢壘羣仙宅雲陣花幢古佛蹤如此  
奇山誰領略曾無七十二家封

謁武鄉侯廟

銅鼓峰插城南陂漁磯百尺溪瀾瀾蠻雲作態僵不動上  
有諸葛丞相祠丞相渡瀘來何速綸羽徧歷牂牁陸祁連  
未出首南服眼前雍孟如螳蟻九月凱還捷書上瘴煙漠  
漠將軍戲遺廟三間塑泥像旁有酋帥濟火兒纏頭青布  
身藤甲野花覆額連雙眉毒弩千鈞矢三十黃區月耳烏  
蒙騅當時再拜伏道左聚糧刊路無敢辭焚卒一隊擁前  
後乞憐丞相相許之功成配饗英風在手招羣鬼搖靈旗  
我瞻廟貌三歎息爲譔文字磨豐碑水西黑羅最狡黠爾

之鼻祖何人斯攻心爲上術誠善如公作用良可師千載  
而下弔陳蹟古屋深簪藏狐狸長澗潺湲弄寒水似聽寶  
瑟彈哀絲四山寂寞秋色老霜白楓葉紅於脂

清溪行

悲瞿氏也

萬壑松鳴滕六開旌旗風捲清溪隈軍門擊鼓三通歇番  
蠻一隊西南來毳幃兩旁森刀戟頰首不動如銜枚中擁  
雙鬟好妝束花鈿寶被黃金釵欲前不前半遮面一詞未  
畢肝腸摧雍門之琴子野笛杜鵑號血何悲哀自言丈夫  
土酋長身手長健多髮鬣歲在敦牂遭禍亂天狗墮地聲  
如雷用昌黎句須臾覆巢無完卵吁嗟一旦成劫灰智伯之頭  
作飲器客有豫讓胡爲哉竄伏熨箚經五載遺孤那忍遭  
狼豺天闔夜叫山川走秦庭晝哭神鬼哈叛兒莫使殺留

後屨驅蚤願荒煙埋使者聽之三歎息淚灑白骨生青苔  
磨下甲士目毗裂磨刀霍霍爭喧厯明日驚傳仗節死貞  
魂何處空徘徊環珮月明招不得酌以村酒傾樽疊清溪  
岸上雪一尺梅花吹落山皚皚洞口幽禽太無賴衝風弄  
響毛毳毳我今作歌紀其事山蘊潦倒非詩才

清涼寺雙檜歌

清涼破寺古佛國中有雙檜幽可探癸酉九月念六日厭  
次老子來城南初出城門霜信冷沙土數尺堆峯嵐忽聞  
午鐘蒲牢吼山門赤腳頭陀參維摩庭院十笏地獅子倒  
座羅什憨亭亭二本東西立西者兌女東震男秦灰漢壘  
幾千載鐵皮虬榦何眈眈一如巫支鑠波底太陰黑入蛟  
龍潭一如晉鄙遭朱亥右肩偏袒毛毳毳一則根生醜婦



瘦一則枝縮蠶繭蠶雷雨垂空礮礮走脂澤伏窟豨苓甘  
夕春在玉西風起鈴鐸乍響天蔚藍須臾淮陰拔趙幟井  
陘戰士旌旗酣又如蚩尤排奇陣鬼兵十萬橫長鏃下有  
艾納大如掌石牀花掃飛鉢曇四溟山人何爲者詩篇曾  
不一咀含我今留連不肯去韋偃莫繪心饒貪安得移重  
山蘊屋兩手一日摩挲三乾竺先生視之笑捫蝨且與殘  
僧談暮歸烏尾訛樓角寒廳彌勒眠同龕

巖我斯字就思號存菴歸安人康熙甲辰一甲一名進  
士授修撰官至禮部侍郎有尺五堂詩刪

題湖上寓樓

樓前有桐樹婆娑枝葉好雨過生涼陰青蔥媚晴昊憶昔  
此樓居弱本如指小荏苒二十秋輪囷倏成抱嗟彼樹如

此我甯不速老頽然坐南榮憂來不可掃雙峯如故人冠  
霞而衣縞對此豁襟情林巒足幽討安能逐氛埃零落同  
秋草倚桐三歎息還山苦不早

滄州道上

荒臺斜日渺晴波五壘城邊一放歌畫角風聲連渤海片  
帆春色下滹沱宵來對酒黃雲斷天際懷人白雁過悵望  
南皮多勝概故園歸去未蹉跎

李元振字正孟號惕園柘城人康熙甲辰一甲二名進  
士授編修官至工部侍郎

憶園

得遂蓴鱸興年來每自哦宦同叔夜嬾詩讓放翁多歲月  
雙游屐煙波一釣蓑南園風景好款段亦頻過

舊有讀書處今重闢草堂竹櫺疏受月花樹暗飛香竟畝  
新篁嫩盈庭綠樹涼落花如有意時到硯池旁

熊一瀟字漢若南昌人康熙甲辰進士改庶吉士授編  
修官至工部尚書有浦雲堂集

登小孤山次梁相國壁間原韻卻寄

突兀疑填石荒唐紀斷鼇誰移華嶺峭偏障海門高吳楚  
千帆月江湖五夜濤滔滔任來去一葉穩漁舸

趙士麟字麟伯號玉峰河陽人康熙甲辰進士官至吏  
部侍郎有讀書堂綵衣全集

流寇入滇

丁亥夏六月流寇犯我疆兵戈起倉卒官吏接踵降哭聲  
動天地日星慘無光老少各逃命道逢虎與狼四境恣殺

掠金帛滿路傍劫我作奴僕束縛慮逃亡舉步或稍緩鞭  
笞痛莫當箐林影昏黑傾跌心愈慌惟期免敲扑那顧鳴  
空腸暮夜集村塢炙酒烹牛羊兇鋒有萬狀喧呼擁平岡  
醉後剗別人血肉濺我裳有時剗孕婦男女貫旗槍求生  
固已矣求死亦不遑夜半人馬寂脫身匿叢篁一步一驚  
顧暗地呼穹蒼狐兔起蹊隧荆榛長成行躊躇奔城郭呼  
繩縋堞牆攀援似猿猴四顧殊傍徨親戚聞我至城頭問  
審詳朋友聞我至隻手相扶將父母向我前拊背慰百方  
坐定復移時始知身未亡努力去守陴安能進酒漿但得  
共相保吾親亦永康

還里

妖氛此日盡驅除將母依然里巷居幸得懷中分陸橘那

愁花下乏潘輿牆陰蔓草無人薙屋後荒畦待雨鋤聖主  
求賢聞若渴季春應必聘弓車

出門

驅車出郭門曖曖晨熹起親友詣河梁殷勤酌酒醴豈不  
懷倚闥致身親所喜滇南氣候暄凌寒媚桃李振衣上高  
岡萬里從茲始

題滇南勝境

天開勝景彩雲生金碧由來獨擅名唐代車書通詔外漢  
家臺沼倣昆明四時花柳無寒燠萬戶桑麻絕戰爭此去  
漸看萱舍遠登高陟屺不勝情

過安莊至鎮甯

帶綰輕裘上偃坡棲霞漸近鬱嵯峨名通上國由莊躋威

播諸羅自伏波溪谷至今多瘴癘人煙到處襍藤羅爲欣  
氣候如秋杪華蓋洞名橋西試一過

黔陽懷古

羅施聲教阻遐方漢置牂牁達夜郎天入炎荒時苦雨途  
經冷站夜無霜馬鞍觀側藏魚服卽建文爲劉指揮書扁避跡白雲菴中銅  
鼓山頭祠竹王千古猶思丞相澤祠堂松柏自蒼蒼

招屈亭

武陵名義動乾坤招屈亭前遺廟存目斷微波悲帝子情  
深芳草憶王孫舳艫簫鼓中流競涕淚山川故國繁自古  
有才多不遇臨風釀酒暗銷魂

北固山

長江浩浩鎮方輿武帝巡游駐綵旛半壁金湯資北固六

朝鎖鑰在南徐千秋橋畔風煙冷萬歲樓前草木疎獨有  
此山秦未鑿巍峩京峴自難如

勞之辨字書升號介巖浙江石門人康熙甲辰進士改

庶吉士歷官左副都御史有靜觀堂詩集

詩話介巖以復諸一疏被譴放歸閩數年復官忠誠  
寤主終蒙恩禮與婁東相國略同詩多紀事之作委  
曲詳盡莊而不佻查初白有送其養親歸里詩云吾  
鄉前輩楊司馬曾脫朝衫換彩衣祖道回思十年事  
都亭又見一人歸白雲去國情相似黃髮嫠親古亦  
稀不是明時輕解組五湖煙水屬春暉蓋猶在介巖  
官通政時也

荷蘭入貢

六載垂衣奠九環梯航閩嶠達燕山周官職貢惟中土王  
會披圖列百蠻鯨海何年歸鳳歷鮫人此日識龍顏炎洲  
萬里憑風信不似珠崖困往還

淮揚道中

東南財賦區江淮實淵藪輓粟輸神京貢琛會九有河伯  
效厥靈恪如奉官守如何神堯世降割災畝畝我來經茲  
土不忍重回首四望盡洪流莫分培與塿鸚鵡失低巢黿  
鼉窟高阜狼籍紛魚蝦顛連殃雞狗蕭蕭蘆荻花其下惟  
井曰茅屋或露尖稻隴多懸罾舟行改故道蒲帆任風走  
行旅但張目長年亦袖手嗟此一方民幾得耕千耦築塞  
興大役愁夫復愁柳蠲賑荷皇恩嚴綸戒箕斗勛哉奉行  
者人事思引咎

興濟崇真宮

明張皇后所建旁  
有昌國公張繼墓

故宮創建出椒房當日金張久北邙過客停橈休悵望十  
三陵樹總蒼涼



過蔡孝子祠

孝子名順其地稱  
樵澗又名洗眉澗

人生有至性匹夫而聖賢既非空桑子胡爲薄所天妻子  
中多戀利祿外相牽會閔不復作何人風後先炎漢運中  
落新莽恣闇干潢池縱橫起四海紛戈鋌爰有蔡孝子隱  
居不求官汝南越鄉并行乞許西偏採樵桑樹下辨其甜  
與酸佳者留奉母此情真可憐以茲感羣盜赤眉洗清漣  
歷代修禋祀懿行豐碑鐫多少鍾鼎味不如藿藜餐歎息  
高祠下卓哉千古傳

報國寺松歌

慈仁古寺數株松蒼然不與凡界同二十年前松下徑飛  
濤謾謾生清風前殿偃松蔭數畝縱橫詰曲枝青銅後殿  
高松挺千尺夜深鸞鶴巢其中扶疎突兀各異狀株株鱗

鬣還相向翠色凌霜總不凋蒼皮溜雨原無恙僦居往歲  
我重過風前月下長摩挲偃松就槁高松茂榮悴相形感  
歎多別後多年思勁質青松不比人顏色到日還來蕭寺  
尋似覓生平舊相識豈知萎謝又非初枯者無存苑者枯  
哦詩空記蟠枝影潑墨能描直幹無松乎松乎爾宜植根  
在萬仞之岡岱頂徠峰傲寒雪不則甯同處士老其材支  
離天矯足怡悅不幸偏栽佛國邊樹底無端作市塵玉魚  
百鎰唐陵出銅雀千金漢代鐫真松不問問贗貨忍教靈  
物埋霜煙斧斤翦伐雖無慮生憎俗客來箕踞一夜西山  
風雨聲拔根定化虬龍去

琉璃廠行

長安游冶兼佳麗春日春風盛鳴曳白雀爭燃蓮刹鏡青

此競訪梳臺髻正陽門外鬧元宵金犢花驄意氣驕十里  
香塵迷錦幃三更煙火走虹橋繁華更屬琉璃廠五色雲  
中黃赤壤裝得龍樓帝子居燒成鴛瓦冬官掌人工天巧  
讓皇都賽月光侔不夜珠琥珀枕由脂作骨琉璃鐘是玉  
爲膚陶中變化多奇異娛人能愜兒童意聲策吹來關塞  
聲葫蘆現出魚龍戲官署前頭作廣場鼎彝書畫布成行  
子卿善相君平卜列肆垂簾一一忙踏歌連臂無休歇爲  
趁蘭鐙並華月玉漏頻移縱勝游金吾不禁因佳節僦居  
兩載廠門東去年來歎轉篷君不見綵勝銀幡仍似昨  
春寒又起落梅風

兗州登少陵臺

詩史才名第一流高臺地是古南樓須知覲闕麻鞋叟曾

作趨庭綵服游老去悲秋多感慨少時懷古獨淹留我來  
又是千餘載魯殿秦碑總故邱

王連瑛字戒頑號廉夫永城人康熙甲辰進士由知縣  
歷官戶科給事中有遺安堂集

吾莊

沙田宜種柳深處著吾莊四望皆春色中間一草堂鳴琴  
翻舊譜搗藥試新方車馬誰相問柴門日正長

送高將軍南征

樓船指日下江皋年少登壇擁節旄別酒醉看梁苑月先  
聲秋壓廣陵濤陣開魚麗三山壯部擁龍驤十隊豪斬盡  
鯨鯢清海浪知君自有呂虔刀

過鄭州故城

薊南千里做平疇廢堞人傳古鄭州形勢遙分天北極波  
濤盡赴海東流沙通白蔣連雙樹霜滿青溪下一鷗西日  
漸低風自起鄉心永夜攬貂裘

車萬育字與三號鶴田邵陽人康熙甲辰進士改庶吉

士官兵科掌印給事中有懷園集唐詩

詩話鶴田以庶常改給諫時長信虛位理密親王在  
儲位年十一未出閣讀書鶴田疏言之又累章論時  
政得失語多切至湘中兵後不可  
居奉母僑寓金陵及卒遂葬焉

懷園秋興

愛與吾廬近開扉步卽舒傍雲朝選石趁月夜攤書深樹  
鳴蟬處高樓過雨初悲秋人已往痛飲說三閩

盛符升字珍示崑山人康熙甲辰進士歷官御史有誠

齋詩集

詩話誠齋詩沿雲間派後著籍漁洋門下稱高足  
佐編精華錄其南征一首爲吳三桂作持論甚卓

河上

久矣悲鴻燕誰堪問麥秋飄零隨遠道涕淚入孤舟  
壁馬年年事河淮處處憂卻憐長算少民命倚陽侯

冬日渡彭蠡過廬山下

幾經湓浦惜幽尋重向宮亭望遠岑雲臥石門思北澗  
花開蓮社憶東林三人一笑誰賓主五老千秋自古今  
惆悵吾衰勞夢想幾人游迹未銷沈

南征

太白秋明井鬼旁兵占早已在炎荒養成歲月營三窟  
嶠負西南擅一方莫遣金沙留蜀漢豈容清浪接湖湘  
由來制勝資全策銅柱依然緬水陽

曹貞吉字迪清一字升六號實庵安邱人康熙甲辰進士  
歷官禮部郎中有實庵詩略朝天鴻爪黃山紀游

諸詩

詩話升六以填詞名世詩多豪邁之作黃山紀游集尤有奇趣

文殊院觀鋪海歌

蓬萊閣外海作山文殊院下山爲海神物由來不易逢天  
爲吾徒澆塊磊白雲一片湧空濛眼底千峰皆杳靄只疑  
渾沌開窮荒或有風雷泣眞宰澗洞得無憂懷襄帆檣似  
欲歌欸乃鼉身一抹映天黑鯨波萬里連渤海天都直可  
作員嶠蓮蕊蓮花餘蓓蕾似宜騰擲走蛟龍詎容細瑣藏  
蚌懈過眼一洗碧琉璃驚風猛浪嗟何在仙人作劇太神  
奇頓還舊觀那足駭

蓮花峰

我聞花開十丈藕如船太華頂上何便娟又聞給孤園邊  
功德水五色蓮花世無比兩者余嘗夢見之不道蓮峰奇  
若此游人歷歷到花鬚夜深多宿蓮花榭冷光朝暮相激  
射餐霞飲露神仙徒干松萬松破石出磴道高懸勢矧肆  
俯看蓮蕊纔及肩齒蒼何時與花匹雲梯百步在眼前海  
門落日爭新鮮鼉魚洞口莽昏黑散花塢下丹楓妍惟有  
天都堪並壘諸峰鶴立皆臣僕老人偃僂吁可笑高撐孤  
髻山之足濃翠霏霏衣袖中排空御氣如飛蓬路人驚我  
白雲出老夫適謁浮邱公

衛旣齊字爾錫一字伯嚴猗氏人康熙甲辰進士改庶  
吉士授檢討官至貴州巡撫有廉立堂集



送朱錫鬯

隋隄官柳無多路杜牧風流正壯年  
兩岸酒旗臨水店半窗書卷過江船  
寒潮斷處家山近梅雨晴時客夢懸  
燕市風光還憶否雄談清夜燭花圓

登宣武門樓有感

白雲連塞樹蒼蒼矯首西山攬大荒  
畫角宵吹城上月羽林寒帶殿前霜  
柱標馬援功名薄書著虞卿歲月長  
尙憶黃金收駿骨高臺徙倚向殘陽

劉謙吉字詡庵江南山陽人康熙甲辰進士由中書歷  
官山東提學道有詡庵詩鈔

漫興

世人彌安拙時危轉仗貧青雲何負汝白眼卻看人可歎

虞翻骨應傷宋玉神幾番城郭外岸幘北湖濱

晤盛珍示同年舟中輒作別因次原韻

搖落江南客孤帆此日過星從淮水渡風帶洞庭多各負  
詩無敵誰憐醉有歌相逢還欲別極目渺煙波

吳李芳字茂孫邵陽人康熙甲辰進士官固原知州

詩話茂孫崇禎己卯舉人永明時仕已顯旗黔內附  
復上公車成進士授中書出典邊州清荒免賦政聲  
甚著

中秋夜集次郡伯李公韻

每從風雨祝新晴兀坐城隅江水青半壁篝鐙方黯黯平  
臺皎月自明明菰菱乍白蟬無語橙橘纔黃雁有聲樽酒  
頗堪酬永夜湖天漠漠故人情

方殿元字蒙章號九谷番禺人康熙甲辰進士官江甯

知縣有九谷集

詩話九谷與陳元孝梁藥亭諸公游詩亦源出古樂府氣格相近亂離遠宦情見乎詞有摹擬太甚者大抵皆少作其幸鄰城江甯多施行實政集後附環書上下篇則論學語也

六歌

函南烽火幾半天下余遭憂去官欲歸不得作歌六首聊以寫悲

褒斜道

褒斜道三載烽煙令人老嗟峨雲棧四百里其下黑龍江  
中水北走三秦南走蜀長蛇猛虎盤深谷張良一燒不可  
測顧盼從容得秦鹿諸葛艱難數出師大星夜落三軍哭  
英雄成敗且有數況乃區區一狐兔黃塵傾洞入秦州風  
雪關山勞遠戍鐵馬回頭望隴山斷腸家過秦川路更有  
子午與黃金十里百折傷人心懸崖削壁日月黑使爾戰  
魂招不得

蜀山高

蜀山高年年草木愁旌旄西風凜冽心煩勞絕壁巖巖開  
劍閣棧道微茫千里窄哀猿晝晝向人嗥豺虎噪號夜相  
索恨雨愁風颯颯豪自古何曾帝王宅當年昭烈漢王孫  
羈旅風雲無所託先起奸雄不讓人草廬權定三分策他  
如竊據公孫述只作須臾狐兔窟英雄步武自堂堂險阻  
從來無用物空使蛇龍作戰場孤兒弱母家相失不見君  
鄉昔日有望帝化爲杜鵑一何細日日催歸歸無計倒嘸  
血淚三春逝

洞庭波

洞庭波欲渡不得憂如何岷峨六月下雪水九江不流平  
如砥朝朝日月鏡中開時時蘭芷香風起自從氛祲飛鯨

明倫彙編 家範典 卷三十一  
三十一  
鱷白浪如山斷術霍蛟龍一夜失窟宅晝日冥冥風雨惡  
四山陰火燒白骨歸夢無津湖水闊夜半寒笳吹一聲哀  
猿盡叫丹楓脫湘靈聽之罷鼓瑟九疑無路千峯黑一時  
彈斷五絃琴惆悵南風來不得江南日夜造樓船澄清望  
斷在明年羈客窮途誰不老何日湖邊看春草

### 五溪深

五溪深魚鼈網盡傷人心伏波昔下槃瓠國矍鑠悲歌夜  
吹笛十萬征人未盡歸千年流水聲淒惻今時鼠竊是何  
意幽谷深山盜名字東南盜賊應聲氣將帥旌旄橫滿地  
官軍三載住長沙萬馬齊驅非地利壁壘堅營休士卒食  
盡鋒摧待其斃巴陵南畔最卑溼瘴雨嵐風四時急畫角  
吹殘刁斗斷征人相抱旌竿泣南天殺氣操生死雁飛未

到衡陽止欲寄音書一問家家過衡陽幾千里

吳航頭

在福州夫差乘船略地至此故名

吳航頭日夜滔滔使人愁夫差當日臣於越七閩一顧雄心發乘船直盡大海東回向中原事征伐黃池會罷國已空潮去潮來只明月太伯子孫尚如此何況鴻毛竊風起未許苴茅戀不歸化作戰場幾千里海上波濤何日止欲學田橫豈能比近聞剽掠到循城科頭跣足擁旄旌吾家去此四百里乘流一夜能兼程有姊孀孤弟妹弱滿地兵戈何所託待得安瀾斬鯨鯢羈旅憂多頭亦白

五羊城

五羊城我生之初猶太平朱樓甲第滿大道中宵擊鼓還吹笙南隅地僻昧天意二王赫怒來專征城中諸將各留

名正高烈秀一巨烹豢豢宛轉媚眉女盡入王宮作歌舞  
妙舞嬌歌雜鬼哭瘡痕尚在重翻覆亂後遺黎又此離當  
日哀慙更熒獨前秋奉母辭鄉里弟妹牽衣憐我姊日日  
高樓望母歸誰知魂返烽煙裏魂返烽煙不可知靈輻倏  
忽滯三葑何年得度梅關去泣血滇江向南注

· 答陳元孝寄約詩郵三作兼柬梁藥亭

懷人似秋色日在碧梧枝吾道自千古斯文共一時開春  
結幽慄每月聯新詩袖裏芳蘭亂馨香好贈誰

江南花色好南海更便妍梅風媚長至桃日豔春前芳思  
歸詞賦風流入管絃曲江興絕唱和者已千年

我輩無相識孤音待後人鍊成千歲鼎謝盡片時春南郭  
羣爲吹西施獨自顰殷勤寄明月一月一回新

泊京口懷諸弟

西風初起越江頭九月寒波到潤州日落煙迷瓜步遠月  
高潮湧海門秋歸程客上西津渡懷古人登北固樓明日  
攜家寄吳市雁聲南盡不勝愁

狂生

獨抱瑤琴上訟堂懷山仍奏紫芝章狂生不解看齷笑直  
道何勞較短長擊柝無官貧仕苦折腰難去吏情傷田園  
一別荒蕪盡况復連年是戰場

過滇陽峽懷陶苦子

獨吟江上惜秋光憶我同聲水一方回首青山看不盡一  
帆疏雨過滇陽

孫郁字右漢號雪崖元城人康熙甲辰進士官桐鄉知



縣

新樂道中

村遠沙迷岸橋平水抱城長途愁馬病短日喜雲晴溪口  
層流淺山腰積雪明晚來新月白濁酒且同傾

宋荔裳按察由揚州泛長江之任成都得近體卻寄  
劍門秋老白鹽寒叱馭休歌蜀道難龍卧澄江驚急雨猿  
懸古木挂飛湍烽煙乍息殘黎少稼穡深荒野水寬鴻雁  
嗷嗷悲鍛羽何人獨對月中看

錢芳標原名鼎瑞字寶汾一字葆勸江南華亭人康熙

丙午舉人官內閣中書己未舉博學鴻詞

詩話葆勸詩才綺麗尤工倚聲相傳前生爲天童寺  
飯頭老僧葆勸臨歿自書一偈云來從白雲來去從  
白雲去笑指天童山是我舊游處舉鴻博以母喪未  
與試竹垞序其詩謂麗而不佻情之至而本乎自得

者

擊鮮行

吾鄉城郭滄溟畔親故朝朝擊鮮宴樂事濠梁未足誇嘉  
名丙穴無勞羨滬瀆灘平斥鹵多主人結網勝熬波蒼茫  
直下馮夷窟煙雨常聞欸乃歌河豚販後蘆芽出春潮蹴  
岸春雲熱筐覆吳趨窖裏冰刀飛少婦廚中雪已道鱒魚  
色似銀況兼石首爛金鱗麴米漬成鱠枕脆豉羹調出筍  
艸新此時魚稅充公府津市鳴橈復搥鼓淺筏輕舸弄水  
兒高檣巨舶開洋賈別有泥沙困豫且脂膏然炬骨專車  
牽鬻力費千夫蹶曝腊家分半載儲竭來島嶼孫盧擾斥  
埃傳烽接三柳都護旌旗只戒嚴漁郎巢罟空施巧蕭蕭  
戍角滿汀洲麗留寒星炯不收無復釣鼈陳水悒惟看驅

馬散沙鷗海錯經年不到眼充牣臨淵那供饌一片才沾  
食指腥百鏃早破中人產舍人顧領滯燕臺比目王餘賦  
強裁張掾秋風頻悵望馮生彈鋏未歸來挑鐙與客論終  
夕語罷滄桑感疇昔下箸誰消易水罇解錢且換灤河鯽  
近喜波臣靜不揚東南早晚撤邊防盤餐飽飯故園味醉  
卧溪梅野竹傍

清明偕鍾宛兄展墓有感

往事蒼涼不可論傷心絮酒拜松門三千里外孤兒淚二  
十年來國士恩華表日斜巢鶴返土花春繡石麟存殷勤  
幸接連枝會漂泊天涯有弟兄

舟行太湖

載酒橫塘路晴和破客顏忽驚天上坐知出具區灣洲渚

春煙渺鳧鷗夕照閒中流問漁者何處是包山

飲恆素堂贈胡其章先生

婁東諫議絕代無英姿落落虬龍鬚大叫留賓勸賓飲紅  
梁美酒盈玉壺此時正值三伏時華堂豁達生涼颺科頭  
赤腳搖大扇一飲一石安足辭吾聞昔壺公懸壺汝南肆  
又聞韓伯休婦女知姓字君也高義真似之不然何爲思  
遠志採藥已逐荆蠻人停杯偶說前朝事憶得前朝苦征  
戰烽火頻年逼畿甸同時通籍十六人承恩入對文華殿  
殿頭痛哭議南遷左右羣驚至尊盼繞朝之謀雖不成仰  
視中天白虹變須臾有詔擢黃門意氣雲霄誰不羨那知  
荆棘蔽銅駝不惜餘生隱薜蘿白髮傷心成異代青山回  
首一悲歌陶潛栗里田園在庾信江南感慨多感慨歛歛

復何益種瓜且向長安陌有時或與高陽侶縱博當筵呼  
五白劍氣宵浮牛斗寒釣竿日對滄江碧愧我棲遲賦子  
虛不逢狗監意何如五月猶然被短褐十年羞復曳長裾  
相看不盡飛揚意願傍浮邱讀異書

申涵煜字觀仲永年人康熙丙午舉人有江航草敏庵  
集

詩話觀仲與弟隨叔皆以家督孚孟爲師隨叔早達  
觀仲久困場屋至丙午始得舉書效松雪畫蘭竹乃  
似子固詩用唐法尤工五  
言近體時時出中入盛

己亥元日

湖上逢元日焚香亂石間出門人事滿此地鳥聲閒客久  
通吳語春來夢故山漸看蓬鬢改未惜解愁顏

九日同鄭子勉陳玉笥登郡南樓飲玉笥齋

又是重陽日登樓望落霞與君呼綠酒猶未見黃花霜氣  
分梧葉砧聲聚水涯一時知己在何事惜年華  
郊晴宜晚眺令節喜招尋人以登高老秋從過雁深渺然  
煙外水況值醉時心此際懷應遠狂歌到竹陰

虎邱

古寺寒煙際郊晴問短筇船來先見塔坐定始聞鐘黃葉  
連高級朱欄間老松平生思勝蹟延賞惜秋容

發丹陽暮抵閶門

三日楓橋路高帆一日回偶因風力好遂使客愁開雙艣  
搖江月千峯度酒杯夜來經虎阜鐙火照樓臺

文化遠字又山呈貢人康熙丙午舉人

秋盡

積雨重陽後蕭然客郡城歸鴉爭獨樹牧馬戀邊營山水  
仍南服風光似北平近冬先畏冷始信布衣輕

送張寅揆還蒙化

文字煙蘿結習深暫歸應爾費招尋兩年猿鶴山中夢一  
曲驪駒客裏心舊折桂枝香尙在新餐苜蓿病交侵調高  
自有鍾期賞珍重朱絃太古琴

虞黃昊字景明浙江石門人康熙丙午舉人官臨安教

諭

楊柳枝辭

楊花如雪撲征衣馬上征夫苦憶歸曾向曲中回首望而  
今真在路旁飛

楊岱字東子彭縣人康熙丙午舉人官上杭知縣有村

山詩集

大慈寺

久廢先朝榜何人禮大慈青苔荒石馬昏月宿寒鴟不見  
張蠙詠空留孟昶碑年年春草綠古跡問誰知

夜泊

夜船將泊櫂歌齊芳草萋萋野路迷只有斷猿無宿處最  
高枝上徹明嘯

拍隄春水四無涯吹笛樓中起暮鴉舊寺僧殘江樹盡空  
留殘月老蘆花

賀振能字蓬仙獲嘉人康熙丙午舉人有窺園藁

窺園

幽林無半畝棲託十年還世事愁多故人閒惜暫閒栽花



存淨土選石憶深山小閣陳編在秋深且閉關

亦園卽事寄懷孫徵君鍾元先生

病起秋原學閉關轉從風雨見幽閒最憐小圃新鋤後獨立空亭對遠山

張雲章字漢瞻號樸村嘉定人監生康熙初舉孝廉方

正議敘知縣有樸村詩集

詩話樸村自言少時見其太翁雲來先生朗詠杜詩有言外意請爲餘課一日大雪因吟二律雲來賞之遂欣然妄作後從陸稼書先生游究心濂洛之學生平所作以聞道爲歸

二士歎

嗟哉燕士左與羊狗屠不事節義張楚王好士聲播揚翩然二子同裹糧楚南燕北路阻長山深雨雪雱且涼桃平慷慨淚數行勢不兩生以一當推爾食解我衣我才差短

死則宜我能死爾能生生見楚王功兩成道傍十圍木蟲  
蟻穴其腹古之翳桑人於焉同一哭哀也含淚不敢彈楚  
王一見尊大官樹中有友形影乾陳詞再拜王慨歎士爲  
我死死不棺葬之以禮衣冠完哀也對食忍獨餐下報我  
友顏不汗人間交態多欺謾吾於二子無譏讒嗟乎哉戎  
夷亦死魯郭門彼爲國士友何人

荆山

吾經荆玉山未愜登探願聞說洞中石玲瓏搏雪霰玉生  
固有胎不以青黑絢卞和彼何人抱璞奚必獻再刖自所  
取無媒而頻銜士詐常奪真物貴不敵賤泣之亦何爲毋  
乃劇尤怨孰云空山猿荆人哭佐卞陋哉何曾言望道信  
未見

東汪蛟門主政

新篇磊落夜光多奕奕翔鸞肯換鷺

見胎詩扇詞翰雙美

蠹簡漫憐

金薤葉飢腸眞飽玉山禾長留懷袖微風發苦憶梧桐疎

雨過

君書扇時自題云雨過月上庭梧如洗

未許委心松菊徑怡顏且得向

庭柯

書懷呈朱檢討竹垞

贈策修門馬首東伶俖已忍十年中谷寒不轉吹鄒律羽  
退眞遭過宋風詩以窮工甯數我官因名折只思公相尋  
粗整輪蹄了人去長安已覺空

鏡裏霜髭鑷數莖長貧已分老諸生敢言豹霧文章隱肯  
爲牛衣涕淚傾吹徹黃鐘君子舌遺將金錯美人情此身  
何事酬知已名節如山晚或成

觀星臺登眺

蜿蜒東來紫氣浮環迴下瞰碧漪流乾坤法象開雙闕星  
斗光華燭九州西邸集書陳要略南朝古廟儼垂旒只今  
寂寞江山冷猶有衣冠夜出游

題陸氏園介白亭

一片寒潭白中宜介此亭朝光雙浴日夜氣互涵星樹隙  
餘霞燦簷間疊嶂青只疑蓬島近來往集仙靈